

Visum fovendo cóntegat,  
Ne vanitátes háuriat.

Sint pura cordis íntima,  
Absístat et vecórdia;  
Carnis terat supérbiam  
Potus cibique párcitas:

Ut, cum dies abscésserit,  
Noctémque sors redúxerit,  
Mundi per abstinéntiam  
Ipsi canámus glóriam.

Deo Patri sit glória,  
Ejúsque soli Fílio,  
Cum Spíritu Paráclito,  
Nunc et per omne sæcu-  
lum. Amen.

**Ant.** Venit Jesus.

**Psalmus 53.**

**D**eus in nómine tuo  
salvum me fac: \*  
et in virtúte tua  
júdica me.

Deus exaúdi oratióem  
meam: \* aúribus pércipe  
verba oris mei.

Quóniam aliéni insurre-  
xérunt advérsus me, et  
fortes quæsiérunt ánimam  
meam: \* et non proposué-  
runt Deum ante conspé-  
ctum suum.

Ecce enim Deus ádjuvat  
me: \* et Dóminus suscé-  
ptor est ánimæ meæ.

Avérte mala inimícis me-  
is: \* et in veritáte tua dis-  
pérde illos.

Voluntárie sacrificábo ti-  
bi, \* et confitébor nómini  
tuo Dómine, quóniam bo-  
num est.

Quóniam ex omni tribu-  
latiône eripuísti me: \* et  
super inimícos meos de-  
spéxit óculus meus.

**Psalmus 118.**

**B**eáti immaculáti in via,  
\* qui ámbulant in lege  
Dómini.

Beáti qui scrutántur te-  
stimónia ejus: \* in toto  
corde exquírun eum.

Non enim qui operántur  
iniquitátem, \* in viis ejus  
ambulavérunt.

Tu mandásti \* mandáta  
tua custodiri nimis.

Utinam dirigántur viæ  
meæ, \* ad custodiéndas  
justificatióes tuas!

Tunc non confúndar, \*  
cum perspéxero in ómni-  
bus mandátis tuis.

Confitébor tibi in dire-  
ctiône cordis: \* in eo quod  
dídici júdicia justítiæ tuæ.

Justificatióes tuas cu-  
stódiam: \* non me dere-  
línquas usquequáque.

In quo córrigit adolescén-  
tior viam suam? \* in cu-  
stodiéndo sermónes tuos.

In toto corde meo exqui-  
sivi te: \* ne repéllas me  
a mandátis tuis.

In corde meo abscondi  
elóquia tua, \* ut non pec-  
cem tibi.

Benedíctus es Dómine:  
\* doce me justificatióes  
tuas.

In lábiis meis \* pronunti-  
ávi ómnia júdicia oris tui.

In via testimoniórum tu-  
órum delectátus sum, \*  
sicut in ómnibus divítiis.

In mandátis tuis exercé-  
bor: \* et considerábo vias  
tuas.

In justificatióibus tuis  
meditábor: \* non obliví-  
scar sermónes tuos.

**R**etríbue servo tuo, vi-  
vífica me: \* et custó-  
diam sermónes tuos.

Revéla óculos meos, \* et  
considerábo mirábilia de  
lege tua.

Incola ego sum in terra:  
\* non abscondas a me  
mandátá tua.

Concupívit ánimá mea  
desideráre justificatióes  
tuas \* in omni témpore.

Increpásti supérbos: \*  
maledícti qui declínant a  
mandátis tuis.

Aufer a me oppróbrium  
et contéptum: \* quia te-  
stimónia tua exquisívi.

Etenim sedérunt prínci-  
pes, et advérsus me lo-  
quebántur: \* servus autem  
tuus exercebátur in justi-  
ficatióibus tuis.

Nam et testimónia tua  
meditátió mea est: \* et  
consílium meum justifica-  
tióes tuæ.

Adhæsit paviméto áni-  
ma mea: \* vivífica me se-  
cúndum verbum tuum.

Vias meas enuntiávi, et  
exaudísti me: \* doce me  
justificatióes tuas.

Viam justificatiónum tuá-  
rum ínstrue me: \* et exer-  
cébor in mirábilibus tuis.

Dormitávit ánimá mea  
præ tædio: \* confirma me  
in verbis tuis.

Viam iniquitátis ámove a  
me: \* et de lege tua mi-  
serére mei.

Viam veritátis elégi: \* ju-  
dícia tua non sum oblítus.

Adhæsi testimoniis tuis  
Dómine: \* noli me con-  
fúndere.



Viam mandatórum tuórum cucúrri, \* cum dilastásti cor meum.

**Ant.** Venit Jesus cum discípulis suis in villam, quæ dicitur Gethsémani, et dixit illis: Sedéte hic, donec vadam illuc, et orem.

**Capitulum.** 1. Tim. 1. d.

**R**egi sæculórum immortalí et invisibili, soli Deo honor et glória in sæcula sæculórum. Amen.

**R.** Deo grátias.

**R. br.** Christe Fili Dei vivi, \* Miserére nobis.

**Et repetitur:** Christe Fili Dei vivi, miserére nobis.

**V.** Qui sedes ad dexteram Patris. **R.** Miserére nobis.

**V.** Glória Patri, et Fílio, et Spirítui sancto. **R.** Christe Fili Dei vivi, miserére nobis.

**V.** Exsúrge Christe, ádjuva nos. **R.** Et líbera nos propter nomen tuum.

**V.** Dóminus vobíscum.

**R.** Et cum spirítu tuo.

**Orémus.** **Oratio.**

**D**ómine Deus omnípotens, qui ad princípium hujus diéi nos pervenire fecísti: tua nos hó-

die salva virtúte; ut in hac die ad nullum declinémus peccátum, sed semper ad tuam justítiam faciéndam nostra procédant elóquia, dirigántur cogitatíones et ópera. Per Dóminum.

**R.** Amen.

**V.** Dóminus vobíscum.

**R.** Et cum spirítu tuo.

**V.** Benedicámus Dómino.

**R.** Deo grátias.

*Deinde in Choro legitur Martyrologium.*

*Postea Hebdomadarius dicit*

**V.** Pretiósá in conspéctu Dómini. **R.** Mors sanctórum ejus.

**Et absolute sine** Orémus.

**Oratio.**

**S**ancta María et omnes sancti intercédant pro nobis ad Dóminum: ut nos mereámur ab eo adjuvári et salvári, qui vivit et regnat in sæcula sæculórum. **R.** Amen.

**V.** Deus in adjutórium meum inténde. **R.** Dñe ad adjuvándum me festína.

*Et dicitur ter; ultimo additur*

**Glória Patri.** Sicut erat.

**Kyrie eléison.** Christe eléison. **Kyrie eléison.**

**Pater noster.** *secreto.*

**V.** Et ne nos indúcas in tentatiónem. **R.** Sed líbera nos a malo.

**V.** Réspice in servos tuos Dómine, et in ópera tua, et dirige filios eórum.

**R.** Et sit splendor Dómini Dei nostri super nos, et ópera mánuum nostrárum dirige super nos, et opus mánuum nostrárum dirige.

**V.** Glória Patri. **R.** Sicut erat.

**Orémus.** **Oratio.**

**D**irigere et sanctificáre, Régere et gubernáre dignáre Dómine Deus, Rex cœli et terræ, hódie corda et cõpõra nostra, sensus, sermõnes et actus nostros in lege tua, et in opéribus mandatórum tuórum: ut hic, et in ætérnum, te auxiliánte salvi et líberi esse mereámur, Salvátor mundi: Qui vivis et regnas in sæcula sæculórum.

**R.** Amen.

**V.** Jube domne benedícere.

**Bened.** Dies et actus nostros in sua pace dispõnat Dóminus omnípotens. **R.** Amen.

**Lectio brevis. Matth. 5.**

**O**ráte pro persecúentibus vos; et calumniántibus vos; ut sitis filii Patris vestri, qui in cœlis est. **Tu** autem Dómine, miserére nobis.

**R.** Deo grátias.

*Post Lect. brevem dicitur*

**V.** Adjutórium nostrum in nómine Dómini. **R.** Qui fecit cœlum et terram.

**V.** Benedícite. **R.** Deus.

**Bened.** Dóminus nos benedícat, et ab omni malo deféndat, et ad vitam perducát ætérnam: et fidélium animæ per misericórdiam Dei requiescant in pace.

**R.** Amen.

~~~~~  
**Ad Tertiam.**

**Pater noster.** **Ave** María. **Deus** in adjutórium. 1.

**Hymnus.**

**N**unc, sancte nobis Spíritus, Unum Patri cum Fílio, Dignáre promptus íngeri Nostro refúsus pèctori.

**Os,** lingua, mens, sensus, vigor

Confessiõnem pèsonent: Flamméscat igne caritas: Accéndat ardor próximos.



Præsta, Pater piissime,  
Patrique compar Unice,  
Cum Spiritu Paráclito  
Regnans per omne sæcu-  
lum. Amen.

**Ant.** Et assumpto Petro.

**Psalmus.**

**R**egem pone mihi  
Dómine viam ju-  
stificatiónum tuá-  
rum: \* et exquiram eam  
semper.

Da mihi intelléctum, et  
scrutabor legem tuam: \*  
et custodiam illam in toto  
corde meo.

Deduc me in sémitam  
mandatorum tuorum, \*  
quia ipsam volui.

Inclina cor meum in te-  
stimonia tua \* et non in  
avaritiam.

Avérte óculos meos, ne  
videant vanitatem: \* in via  
tua vivifica me.

Státue servo tuo elóqui-  
um tuum, \* in timóre tuo.

Amputa opprobrium me-  
um, quod suspicatus sum:  
\* quia iudicia tua jucúnda.

Ecce concupivi mandata  
tua: \* in æquitate tua vi-  
vifica me.

Et véniat super me mi-  
sericordia tua Dómine: \*

salutare tuum secundum  
elóquium tuum.

Et respondébo expro-  
brantibus mihi verbum: \*  
quia speravi in sermóni-  
bus tuis.

Et ne auferas de ore meo  
verbum veritatis usque-  
quaque: \* quia in iudiciis  
tuis supersperavi.

Et custodiam legem tu-  
am semper, \* in sæculum  
et in sæculum sæculi.

Et ambulabam in latitú-  
dine: \* quia mandata tua  
exquisivi.

Et loquébar in testimó-  
niis tuis in conspéctu re-  
gum, \* et non confundébar.

Et meditábar in mandá-  
tis tuis, \* quæ diléxi.

Et levavi manus meas ad  
mandata tua, quæ diléxi:  
\* et exercébar in justifi-  
caciónibus tuis.

**M**emor esto verbi tui  
servo tuo, \* in quo  
mihi spem dedisti.

Hæc me consolata est in  
humilitate mea: \* quia eló-  
quium tuum vivificavit me.

Supérbi inique agébant  
usquequaque: \* a lege au-  
tem tua non declinavi.

Memor fui iudiciórum tu-  
órum a sæculo Dómine: \*  
et consolatus sum.

Defectio tenuit me \* pro  
peccatõribus derelinquén-  
tibus legem tuam.

Cantábiles mihi erant ju-  
stificatiónes tuæ, \* in loco  
peregrinatiónis meæ.

Memor fui nocte nóminis  
tui Dómine: \* et custodivi  
legem tuam.

Hæc facta est mihi: \*  
quia justificatiónes tuas  
exquisivi.

Pórtio mea Dómine, \* dixi,  
custodire legem tuam.

Deprecatus sum faciem  
tuam in toto corde meo:  
\* miserere mei secundum  
elóquium tuum.

Cogitavi vias meas: \* et  
convérte pedes meos in te-  
stimonia tua.

Paratus sum, et non sum  
turbatus: \* ut custodiam  
mandata tua.

Funes peccatõrum cir-  
cumpléxi sunt me: \* et le-  
gem tuam non sum obli-  
tus.

Média nocte surgébam ad  
confitendum tibi, \* super  
iudicia justificatiónis tuæ.

Párticeps ego sum ómni-

um timéntium te, \* et cu-  
stodiéntium mandata tua.

Misericordia tua Dómine  
plena est terra: \* justifi-  
cations tuas doce me.

**B**onitatem fecisti cum  
servo tuo Dómine, \*  
secundum verbum tuum.

Bonitatem, et discipli-  
nam, et sciéntiam doce  
me: \* quia mandatis tuis  
crédidi.

Priusquam humiliarer, e-  
go deliqui: \* propterea  
elóquium tuum custodivi.

Bonus es tu, \* et in bo-  
nitate tua doce me justifi-  
cations tuas.

Multiplicata est super me  
iniquitas superbórum: \*  
ego autem in toto corde  
meo scrutabor mandata  
tua.

Coagulatum est sicut lac  
cor eórum: \* ego vero le-  
gem tuam meditatus sum.

Bonum mihi quia humi-  
liasti me, \* ut discam ju-  
stificatiónes tuas.

Bonum mihi lex oris tui,  
\* super millia auri et ar-  
génti.

Manus tuæ fecerunt me,  
et plasmaverunt me: \* da



mihi intelléctum, et discam mandata tua.

Qui timent te, vidébunt me, et lætabúntur: \* quia in verba tua supersperávi.

Cognóvi Dómine, quia æquitas júdicia tua: \* et in veritate tua humiliásti me.

Fiat misericórdia tua ut consolétur me, \* secúndum elóquium tuum servò tuo.

Véniant mihi miseratiónes tuæ, et vivam: \* quia lex tua meditatio mea est.

Confundántur supérbi, quia injúste iniquitatem fecérunt in me: \* ego autem exercébor in mandatis tuis.

Convertántur mihi timéntes te, \* et qui novérunt testimónia tua.

Fiat cor meum immaculátum in justificatióibus tuis, \* ut non confundar.

**Ant.** Et assúmpto Petro, et duóbus filiis Zebedæi, cœpit contristári, et mœstus esse.

**Capitulum. Matth. 26.**

Venit Jesus ad discipulos suos, et invénit eos dormiéntes, et dicit Petro:

Sic non potuístis una hora vigilare mecum? Vigiláte et oráte, ut non intrétis in tentatióem.

**R. br.** Tristis est \* Anima mea. **Tristis. V.** Usque ad mortem. **Anima. Glória Patri. Tristis.**

**V.** Pater mi, si possibile est. **R.** Tránseat a me calix iste.

**V.** Dóminus vobíscum. **R.** Et cum spíritu tuo.

**Oratio.**

Dómine Jesu Christe, qui in horto verbo et exémplo nos orare docuísti, ad tentatiónum pericula superánda: concéde propítius; ut nos oratióni semper intéti, ejus copiósum fructum cónsequi mereámur: Qui vivis et regnas.

**Ad Sextam.**

Pater noster. Ave María. Deus in adjutórium. 1.

**Hymnus.**

Rector potens, verax Deus, Qui témperas rerum vices, Splendóre mane illúminas, Et ignibus merídiem:

Exstingue flámas lítium, Aufer calórem nóxium,

Confer salutem córporum, Verámque pacem córdium.

**Præsta, Pater piússime, Patrique compar Unice, Cum Spíritu Paráclito Regnans per omne sæculum. Amen.**

**Ant.** Tunc ait illis.

**Psalmus.**

**D**efecit in salutare tuum ánima mea: \* et in verbum tuum supersperávi.

Defecérunt óculi mei in elóquium tuum, \* dicéntes: Quando consoláberis me?

Quia factus sum sicut uter in pruína: \* justificatiónes tuas non sum oblítus.

Quot sunt dies servi tui? \* Quando fácies de persecúentibus me júdiciam?

Narravérunt mihi iníqui fabulatiónes: \* sed non ut lex tua.

Omnia mandata tua veritas: \* iníque persecúti sunt me, adjuva me.

Paulo minus consummavérunt me in terra: \* ego autem non derelíqui mandata tua.

Secúndum misericórdiam tuam vivífica me, \* et custódiám testimónia oris tui.

In ætérnum Dómine \* verbum tuum pérmanet in cœlo.

In generatióem et generatióem veritas tua: \* fundásti terram, et pérmanet.

Ordinatióne tua persevérat dies: \* quóniam ómnia sérviant tibi.

Nisi quod lex tua meditatio mea est, \* tunc forte periíssem in humilitate mea.

In ætérnum non oblivíscar justificatiónes tuas: \* quia in ipsis vivificásti me.

Tuus sum ego, salvum me fac: \* quóniam justificatiónes tuas exquisívi.

Me expectavérunt peccatóres ut pérderent me: \* testimónia tua intelléxi.

Omnis consummationis vidi finem: \* latum mandatum tuum nimis.

Quómodo diléxi legem tuam Dómine? \* tota die meditatio mea est.

Super inimicos meos prudentem me fecísti mandáto tuo: \* quia in ætérnum mihi est.

Super omnes docéntes me



intelléxi: \* quia testimónia tua meditatio mea est.

Super senes intelléxi: \* quia mandata tua quæsivi.

Ab omni via mala prohibui pedes meos, \* ut custodiam verba tua.

A judiciis tuis non declinavi: \* quia tu legem posuisti mihi.

Quam dulcia faucibus meis eloquia tua, \* super mel ori meo!

A mandatis tuis intelléxi: \* propterea odivi omnem viam iniquitatis.

Lucerna pedibus meis verbum tuum, \* et lumen semitis meis.

Juravi, et statui \* custodire judicia justitiae tuae.

Humiliatus sum usquequaque Domine: \* vivifica me secundum verbum tuum.

Voluntaria oris mei beneplacita fac Domine: \* et judicia tua doce me.

Anima mea in manibus meis semper: \* et legem tuam non sum oblitus.

Posuerunt peccatores laqueum mihi: \* et de mandatis tuis non erravi.

Hæreditate acquisivi te-

stimonia tua in æternum: \* quia exultatio cordis mei sunt.

Inclinavi cor meum ad faciendas justificationes tuas in æternum, \* propter retributionem.

Iniquos odio habui, \* et legem tuam dilexi.

Adjutor et susceptor meus es tu: \* et in verbum tuum supersperavi.

Declinate a me maligni: \* et scrutabor mandata Dei mei.

Suscipe me secundum eloquium tuum, et vivam: \* et non confundas me ab expectatione mea.

Adjuva me, et salvus ero: \* et meditabor in justificationibus tuis semper.

Sprevisti omnes discedentes a judiciis tuis: \* quia injusta cogitatio eorum.

Prævaricantes reputavi omnes peccatores terræ: \* ideo dilexi testimonia tua.

Confige timore tuo carnes meas: \* a judiciis enim tuis timeo.

Feci iudicium et justitiam: \* non tradas me calumniantibus me.

Suscipe servum tuum in bonum: \* non calumnietur me superbi.

Oculi mei defecerunt in salutare tuum: \* et in eloquium justitiae tuae.

Fac cum servo tuo secundum misericordiam tuam: \* et justificationes tuas doce me.

Servus tuus sum ego: \* da mihi intellectum, ut sciam testimonia tua.

Tempus faciendi Dñe: \* dissipaverunt legem tuam.

Ideo dilexi mandata tua \* super aurum et topazion.

Propterea ad omnia mandata tua dirigebam: \* omnem viam iniquam odio habui.

Ant. Tunc ait illis: Tristis est anima mea usque ad mortem: sustinete hic, et vigilate mecum.

Capitulum. Luc. 21.

Vigilate itaque omni tempore orantes, ut digni habeamini fugere ista omnia, quæ futura sunt, et stare ante Filium hominis.

R. br. Pater mi, \* Si possibile est. Pater. V. Transeat a me calix iste. Si possibile. Gloria Patri. Pater.

V. Vigilate, et orate. R. Ut non intratis in tentationem.

V. Dominus vobiscum. R. Et cum spiritu tuo.

Oratio.

Domine Jesu Christe, qui in horto verbo et exemplo nos orare docuisti, ad tentationum pericula superanda: concede propitius; ut nos orationi semper intenti, ejus copiosum fructum consequi mereamur: Qui vivis.

Ad Nonam.

Pater noster. Ave Maria. Deus in adjutorium. I.

Hymnus.

Reverum, Deus, tenax vigor,

Immotus in te permanens, Lucis diurnæ tempora Successibus determinans:

Largire lumen vespere, Quo vita nusquam decadat, Sed præmium mortis sacræ Perennis instet gloria.

Præsta, Pater piissime, Patrique compar Unice, Cum Spiritu Paráclito Regnans per omne sæculum. Amen.

Ant. Pater mi.



## Psalmus.



irabilia testimonia tua: \* ideo scrutata est ea anima mea.

Declaratio sermonum tuorum illuminat, \* et intellectum dat parvulis.

Os meum aperui, et atraxi spiritum: \* quia mandata tua desiderabam.

Aspice in me, et miserere mei \* secundum iudicium diligentium nomen tuum.

Gressus meos dirige secundum eloquium tuum: \* et non dominetur mei omnis iniustitia.

Redime me a calumniis hominum: \* ut custodiam mandata tua.

Faciem tuam illumina super servum tuum: \* et doce me justificationes tuas.

Exitus aquarum deduxerunt oculi mei: \* quia non custodierunt legem tuam.

Justus es Domine, \* et rectum iudicium tuum.

Mandasti iustitiam testimonia tua, \* et veritatem tuam nimis.

Tabescere me fecit zelus meus: \* quia obliti sunt verba tua inimici mei.

Ignitum eloquium tuum vehementer, \* et servus tuus dilexit illud.

Adolescens sum ego, et contemptus: \* justificationes tuas non sum oblitus.

Iustitia tua, iustitia in aeternum: \* et lex tua veritas.

Tribulatio et angustia invenerunt me: \* mandata tua meditatio mea est.

Aequitas testimonia tua in aeternum: \* intellectum da mihi, et vivam.

Clamavi in toto corde meo, exaudi me Domine: \* justificationes tuas requiram.

Clamavi ad te, salvum me fac, \* ut custodiam mandata tua.

Praveni in maturitate, et clamavi: \* quia in verba tua supersperavi.

Praveni oculi mei ad te diluculo, \* ut meditarer eloquia tua.

Vocem meam audi secundum misericordiam tuam Domine, \* et secundum iudicium tuum vivifica me.

Appropinquaverunt persequentes me iniquitati: \*

a lege autem tua longe facti sunt.

Prope es tu Domine: \* et omnes viae tuae veritas.

Initio cognovi de testimoniis tuis: \* quia in aeternum fundasti ea.

Vide humilitatem meam, et eripe me: \* quia legem tuam non sum oblitus.

Iudica iudicium meum, et redime me: \* propter eloquium tuum vivifica me.

Longe a peccatoribus salus: \* quia justificationes tuas non exquisierunt.

Misericordiae tuae multae Domine: \* secundum iudicium tuum vivifica me.

Multi qui persequuntur me, et tribulant me: \* a testimoniis tuis non declinavi.

Vidi praevaricantes et tabescebam: \* quia eloquia tua non custodierunt.

Vide quoniam mandata tua dilexi Domine: \* in misericordia tua vivifica me.

Principium verborum tuorum veritas: \* in aeternum omnia iudicia iustitiae tuae.

Principes persecuti sunt me gratis: \* et a verbis tuis formidavit cor meum.

Laborabo ego super eloquia tua, \* sicut qui invenit spolia multa.

Iniquitatem odio habui, et abominatus sum: \* legem autem tuam dilexi.

Septies in die laudem dixi tibi, \* super iudicia iustitiae tuae.

Pax multa diligentibus legem tuam, \* et non est illis scandalum.

Expectabam salutare tuum Domine: \* et mandata tua dilexi.

Custodivit anima mea testimonia tua, \* et dilexit ea vehementer.

Servavi mandata tua et testimonia tua: \* quia omnes viae meae in conspectu tuo.

Appropinquet deprecatio mea in conspectu tuo Domine: \* juxta eloquium tuum da mihi intellectum.

Intret postulatio mea in conspectu tuo: \* secundum eloquium tuum eripe me.

Eructabunt labia mea



hymnum, \* cum docueris me justificaciones tuas.

Pronuntiabit lingua mea eloquium tuum, \* quia omnia mandata tua æquitas.

Fiat manus tua, ut salvet me: \* quoniam mandata tua elégi.

Concupivi salutare tuum Domine: \* et lex tua meditatio mea est.

Vivet anima mea, et laudabit te: \* et iudicia tua adjuvabunt me.

Erravi sicut ovis quæ periiit: \* quære servum tuum, quia mandata tua non sum oblitus.

**Ant. Pater mi, si non potest hic calix transire, nisi bibam illum, fiat voluntas tua.**

**Capitulum. Matth. 5.**

**O**rate pro persecutibus et calumniantibus vos; ut sitis filii Patris vestri, qui in caelis est.

**R. br. Vigilate \* Et orate. Vigilate. V. Ut non intratis in tentationem. Et orate.**

**Gloria Patri. Vigilate.**

**V. Factus est sudor ejus.**

**R. Sicut guttæ sanguinis.**

**V. Dominus vobiscum.**

**R. Et cum spiritu tuo.**

**Oratio.**

**D**omine Jesu Christe, qui in horto verbo et exemplo nos orare docuisti, ad tentationum pericula superanda: concede propitius; ut nos orationi semper intenti, ejus copiosum fructum consequi mereamur: Qui vivis et regnas.

**In II. Vesperis.**

*Omnia ut in primis, et loco ultimi Psalmi, Psalm. Credidi. ut infra. 45.*

**V. Factus est sudor ejus.**

**R. Sicut guttæ sanguinis.**

**Ad Magnif. Ant. Ecce appropinquavit hora, et Filius hominis tradetur in manus peccatorum.**

*Oratio ut supra.*



Feria III.

post Dominicam Sexagesimæ.

**Commemoratio**

**Passionis D. N. Jesu Christi.**

**Duplex majus.**

**In I. Vesperis.**

**Ant. Cálicem salutáris accípiam: et nomen Dómini invocábo.**

**Psálmus 115.**

**C**redidi, propter quod locutus sum: \* ego autem humiliatus sum nimis.

Ego dixi in excéssu meo: \* Omnis homo mendax.

Quid retribuam Dómino, \* pro ómnibus, quæ retribuit mihi?

Cálicem salutáris accípiam: \* et nomen Dómini invocábo.

Vota mea Dómino red-

dam coram omni pópulo ejus: \* pretiósá in conspéctu Dómini mors sanctórum ejus:

O Dómine quia ego servus tuus: \* ego servus tuus, et filius ancillæ tuæ.

Dirupísti víncula mea: \* tibi sacrificábo hóstiam laudis, et nomen Dñi invocábo.

Vota mea Dómino redam in conspéctu omnis pópuli ejus: \* in átriis domus Dómini, in médio tui Jerúsalem.

**Ant. Cálicem salutáris accípiam: et nomen Dómini invocábo.**

**Ant. Cum his qui odérunt pacem, eram pacífi-**